

十八家詩鈔卷二十八目錄

陸放翁七絕下四百八十二首

湖村野興二首

中夜雨霽月色入戶起飲酒一杯作絕句

溪上醉吟

鄉人或病予詩多道蜀中遊樂之盛適春日遊鏡湖共請

賦山陰風物遂卽杯酒閒作四絕句卻當持以誇西州

故人也四首

柯橋客亭二首

曉枕

晨起閒步

送紫霄女道士四明謝君二首

夜中起讀書戲作二首

初冬雜題六首

題海首座俠客像

曾仲躬見過適遇予出畱小詩而去次韻二首

雜興三首

舟中感懷三絕句

飲張功父園戲題扇上

宿石帆山下二首

倦眼

拜旦表

病中夜半

卽事

園中絕句二首

雪中忽起從戎之興戲作四首

余年二十時嘗作菊枕詩頗傳於人今秋偶復采菊縫枕

囊悽然有感二首

寒夜讀書二首

楊庭秀寄南海集二首

目録

家詩金 卷三
假中閉戶終日偶得絕句

雨中獨坐

塞上曲四首

寓蓬萊館二首

拄杖

北望

估客有自蔡州來者感悵彌日二首

夜歸偶懷故人獨孤景略

縱筆二首

練塘

五雲橋

雲門獨坐

東關二首

詠史

湖上小閣

道石三首

秋晚思梁益舊遊三首

小舟自紅橋之南過吉澤歸三山二首

雜題六首

歎俗

家語金 卷二十六
觀梅至花溼高端叔解元見尋二首

小市

秋夜將曉出籬門迎涼有感二首

秋日郊居八首

示兒

舍北望水鄉風物戲作絕句

晝眠

夜讀范致能攬轡錄言中原父老見使者多揮涕感其事

作絕句

村東

雨晴

病起

松下縱筆四首

山園遣興

雨夕焚香

排悶六首

繫舟二首

連日風雨寒甚夜忽大風明日遂晴

晚興

記夢三首

讀史

夜讀呂化光文章拋盡功名之句戲作

泛舟觀桃花二首

小僧乞詩

看鏡二首

三峽歌九首

望永思陵二首

霜夜二首

贈道友五首

示子聿

紙閣午睡二首

春晚懷山南四首

初夏八首

舍北晚眺二首

小舟遊近村捨舟步歸四首

讀易二首

一壺歌五首

懷舊六首

讀杜詩

半丈紅盛開

人參詩金
卷二十六
五
感事四首

題韓運鹽竹隱堂絕句

北園雜詠六首

雜感十首

戲作治生絕句

龜堂雜題四首

太息四首

梅花三首

沈園二首

致仕後卽事六首

冬晴與子坦子聿遊湖上六首

幽堂雜興八首

庚申元日口號五首

枕上口占

喜晴

枕上二首

對酒戲詠

食晚

小舟白竹篷蓋保長所乘也偶借至近村戲作二首

稻飯

追感往事五首

雨晴風日絕佳徒倚門外三首

海上作

夏日雜題二首

出門與鄰人笑談久之戲作

夜歸二首

錢道人飲酒食肉囊中不畜一錢所須飯及草屨一物皆臨時乞錢買之非此雖與不取也二首

秋日雜詠三首

倚樓

除夕

梅花絕句六首

別嚴和之二首

夏初湖村雜題三首

夜吟二首

感舊贈超師

謝韓竇之直閣送燈二首

紹興癸亥余以進士來臨安年十九明年上元從舅光州

通守唐公仲俊招觀燈後六十年嘉泰壬戌被命起造

朝明年癸亥復見燈夕遊人之盛感歎有作

夢遊三首

聞蛩二首

湖上秋夜

秋思

雜興三首

書事四首

雨後

甲子秋八月偶思出遊八首

感昔五首

莫秋六首

晚歸

太息三首

柳橋

鷗

鷓

夢中作

自蘇絕句八首

新製小冠二首

秋懷四首

秋思絕句五首

蘇詩集卷之五

老學庵北窗雜書二首

秋興七首

道室卽事四首

憶昨三首

出遊歸臥得雜詩八首

煙波卽事十首

見鵲補巢戲作

春晚卽事四首

雜詠

夏日雜題五首

秋晚雜興十二首

二友

歲晚二首

曉起折梅

新春感事五首

記閒

春遊三首

書憂

門外獨立

書感二首

秋暑夜起追涼二首

秋思八首

感事

仲秋書事八首

溪上小雨

聞新鴈有感二首

初冬雜詠五首

得子虞書言明春可歸

雜賦二首

梅

春日雜興五首

花下小酌二首

夏日七首

卽事二首

嘉定己巳立秋得膈上疾近寒露乃小愈三首

梅市書事

示兒

十八家詩鈔卷二十八目錄

善化黃維申襄校

十八家詩鈔卷二十八

湘鄉曾國藩纂 合肥李鴻章審訂 東湖王定安校

陸放翁七絕下四百八十二首

湖村野興

十里疏鐘到野堂五更殘月伴清霜
已知無奈姮娥冷瘦損梅花更斷腸

山色空濛雨點微醉中不覺溼蓑衣
何妨乞與丹青本一棹橫衝翠靄歸

中夜雨霽月色入戶起飲酒一杯作絕句

吹盡浮雲天宇清城頭疊鼓報三更
平生無此一杯酒玉筍峯

頭看月生

元注玉笥山在石帆之南

溪上醉吟

行行不知溪路深但怪素月生遙岑不辭醉袖拂花絮與子更醉青蘿陰

鄉人或病予詩多道蜀中遨樂之盛適春日遊鏡湖共請

賦山陰風物遂卽杯酒閒作四絕句卻當持以誇西州

故人也

清熙十一年甲辰六十歲

嫩日輕雲淡沲天撲燈過後賣花前便從水閣杭湖去捲起朱簾上畫船

舫子窗扉面面開金壺桃杏閒尊罍東風忽送笙歌近一片樓

臺泛水來

湖波綠似鴨頭深一日春晴直萬金好事誰家鬪歌舞方舟齊
榜出花陰

花光柳色滿牆頭病酒今朝嬾出遊卻就水亭開小宴繡簾銀
燭看歸舟

柯橋客亭

小市初晴已過春朱櫻青杏一番新灞陵老子無人識暫借郵
亭整角巾

梅子生仁燕護雛
蓮檐新葉綠
扶疏朝來酒興不可耐
買得釣船雙鰕魚

曉枕

曉枕鶯聲帶夢聽。忽看淡日滿窗櫺。閒愁誰遣濃如酒，醉過殘春不解醒。

晨起閒步

飛紅掠地送春忙。嫩綠成陰帶露香。聽徹曉天鶯百轉，卻隨飛蝶度橫塘。

送紫霄女道士四明謝君

一別南充十四年。時時清夢到金泉。山陰道上秋風早，卻見神仙小自然。

道骨仙風凜不羣。清秋采藥到江村。自言家住雲南北，知是遺

塵幾世孫

夜中起讀書戲作

髮已凋零齒已疏
忍飢白首臥蝸廬
風聲忽驟篷窗過
夜半呼燈起讀書

滅虜區區計本疏
水邊喬木擁茅廬
九原定發韓公笑
至老依然一束書

初冬雜題

勳業文章意已闌
莫年不足是看山
江南寺寺樓堪倚
安得身如杜牧閒

莫嫌風雨作新寒
一樹青楓已半丹
身在范寬圖畫裏
小樓西

角刺憑闌

風橫雲低雨腳斜
一枝柔艣暮咿啞
昏昏醉臥知何處
推起船篷忽到家

五斗安能解醉醒
膏騰睡眼怯窗明
策勳賴有春芽在
臥聽山童轉磴聲

荒郊寒雨晚淒淒
四壁穹頽旋補泥
物我元須各安穩
自苦牛屋織雞棲

風雨聲豪入夢中
不知身世寄孤篷
狐裘氎帽如龍馬
天漢西南小益東

題海首座俠客像

趙魏胡塵千丈黃。遺民膏血飽豺狼。功名不遭斯人了。無奈和戎白面郎。

曾仲躬見過適遇予出畱小詩而去次韻二首

地僻元無俗客來。蓬門只欲爲君開。山橫翠黛供詩本。麥卷黃雲足酒材。

數樹山花草舍東。想公繫馬落殘紅。那知老子耶溪上。正泛朝南莫北風。

雜興

鰻井初生一縷雲。鮑郎山下雨昏昏。鶻聲嘔軋秋空曉。水際人家尙閉門。

孤夢初回揭短篷。橋邊曉日已瞳矇。太平氣象君知否。盡在豐年笑語中。

古寺高樓暮倚闌。野雲不散白漫漫。好山遮盡君無恨。且作滄溟萬里看。

舟中感懷三絕句呈太傅相公兼簡岳大用郎中

浪中韉帽雨聲寒。孤夢初回燭半殘。甲子一周胡未滅。關山還帶淚痕看。

雨打孤篷酒漸消。昏燈與我共無聊。功名本是無憑事。不及寒江日雨潮。

夢筆亭邊擁鼻吟。壯圖蹭蹬老侵尋。不眠數盡雞三唱。自笑當

年起舞心

飲張功父園戲題扇上

寒食清明數日中西園春事又怱怱梅花自避新桃李不爲高樓一笛風

宿石帆山下

卷地東風吹釣船石帆重到又經年放翁夜半酒初解落月銜山聞杜鵑

繫船禹廟醉如泥投宿漁家月向低溼翠撲人濃可掬始知身在石帆西

倦眼

看書澀似上羊腸得睡甘如飲蜜房起坐藤牀搔短髮數聲畫
角報斜陽

拜旦表

一封馳奏效嵩呼清蹕何時返故都只道建炎巡狩禮誰知故
事自祥符

病中夜半

蕭蕭欲脫猶吟葉耿耿微明未滅燈夜半不眠閒倚壁使君清
似北山僧

卽事

組繡紛紛衞女工詩家於此欲途窮語君白日飛昇法正在焚

香聽雨中

園中絕句

梅花重壓帽檐偏。曳杖行歌意欲仙。後五百年君記取。斷無人似放翁顛。

溪北溪南飛白鷗。夕陽明處見漁舟。憑誰爲剪機中素。畫取天涯一片秋。

雪中忽起從戎之興戲作

狐裘臥載錦駝車。酒醒冰髭結亂珠。三尺馬鞭裝白玉。雪中畫字草軍書。

鐵馬渡河風破肉。雲梯攻壘雪平壕。獸奔鳥散何勞逐。直斬單

手斲寶刀

十萬貔貅出羽林橫空殺氣結層陰桑乾沙土初飛雪未到幽州一丈深

羣胡束手仗天亡棄甲縱橫滿戰場雪上急追犇馬迹官軍夜半入遼陽

余年二十時嘗作菊枕詩頗傳於人今秋偶復采菊縫枕

囊悽然有感消黑十四年丁未六十三歲

采得黃花作枕囊曲屏深幌悶幽香喚回四十二年夢燈暗無人說斷腸

少日曾題菊枕詩蠹編殘藥鎖蛛絲人間萬事消磨盡只有清

香似舊時

寒夜讀書二首錄

北窗暖焰滿爐紅。夜半濤翻古檜風。老死愛書心不厭。來生恐墮蠹魚中。

憶昨從戎出渭濱。秋風金鼓震咸秦。薦肩竟欠封侯相。三尺檠邊老此身。

楊庭秀寄南海集

俗子與人隔塵劫。何啻相逢風馬牛。夜讀楊卿南海句。始知天下有高流。

飛卿數闋嶠南曲。不許劉郎誇竹枝。四百年來無復繼。如今始

有此翁詩

元注溫飛卿南鄉子九首其工不減夢得竹枝

假中閉戶終日偶得絕句

錄三首

雨聲滴滴莫未已苔疊重重寒更添知是使君初睡起清香一

綫透疏簾

雨中獨坐

馬目山頭雨脚昏龍津橋下浪花翻年豐郡僻無公事一炷清

香畫掩門

自拜旦表至此皆知嚴州時之詩

塞上曲

此山下自嚴州歸後之詩

秋風獵獵漢旗黃曉陌霜清見太行車載甌廬馳載酒漁陽城

裏作重陽

將軍許國不懷歸。又見桑乾木葉飛。要識君王念征戍。新秋已報賜冬衣。

金鼓蕭蕭百里聲。繡旗寶馬照川明。王師仗義從天下。莫道南兵夜斫營。

老矣猶思萬里行。翩然上馬始身輕。玉關去路心如鐵。把酒何妨聽渭城。

寓蓬萊館

桐葉吹殘。蕉葉黃。驛窗微雨送淒涼。長安許史無平素。莫恨棲棲立路旁。

古驛蕭蕭獨倚闌。角聲催晚雨。催寒殘。年遇合。應無日。猶說新

豐彊自寬

拄杖

放翁拄杖具神通。蜀棧吳山興未窮。昨夜夢中行萬里。蓮華峯上聽松風。

北望

北望中原淚滿巾。黃旗空想渡河津。丈夫窮死由來事。要是江南有此人。

估客有自蔡州來者感悵彌日

洮河馬死劍鋒摧。綠髮成絲每自哀。幾歲中原消息斷。喜聞人自蔡州來。

百戰元和取蔡州。如今胡馬飲淮流。和親自古非長策。誰與朝家共此憂。

夜歸偶懷故人獨孤景略

買醉村場半夜歸。西山落月照柴扉。劉琨死後無奇士。獨聽荒雞淚滿衣。

縱筆四首錄二四

一紙除書到海邊。紫皇賜號武夷仙。功名敢道渾無意。暫作閒人五百年。

素月徘徊牛斗閒。天風吹鶴度函關。一年似此佳時少。喚起陳搏醉華山。

練塘

微風吹頰酒初醒落日舟橫杜若汀水秀山明何所似玉人臨

鏡暈螺青

五雲橋

元注往時鏡湖陂防不廢則若耶溪水常滿可
行大舟至雲門此橋本跨溪上今則在平陸矣

若耶北與鏡湖通縹緲飛橋跨半空陵谷變遷誰復識我來徒
倚莫煙中

雲門獨坐

山北山南處處行回頭六十七清明如今老去摧頽甚獨坐焚

香聽水聲

東關

天華寺西艇子橫。白蘋風細浪紋平。移家只欲東關住。夜夜湖中看月生。

煙水蒼茫西復東。扁舟又繫柳陰中。三更酒醒殘燈在。臥聽蕭蕭雨打篷。

詠史

入郢功成賜屬鏤。削吳計用載廚車。閉門種菜英雄事。莫笑衰翁日荷鋤。

湖上小閣

蒲萄初紫柿初紅。小閣憑闌萬里風。莫怪年來增酒量。此中能著大虛空。

道石

元注吾家舊藏奇石甚富今無復存者獨道石一尙置几案間戲作

秋風嫋嫋雨班班身隱幽窗筆硯閒小試壺公縮地術數峯間

對道州山

林慮靈壁俱尤物散落人間不復還投老東歸風味在春陵小

咄伴身閒

誤因祿米棄尊鱸一落塵埃底事無布鞵青鞵雖興盡此峯聊

當臥遊圖

秋晚思梁益舊遊

幅巾筇杖立籬門秋意蕭條欲斷魂恰似嘉陵江上路冷雲微

雨溼黃昏

憶昔西行萬里餘。長亭夜夜夢歸吳。如今歷盡風波惡。飛棧連雲是坦途。

滄波極目江鄉恨。衰草連天塞路愁。三十年閒行萬里。不論南北怯登樓。

小舟自紅橋之南過吉澤歸三山
霏霏寒雨數家村。雞犬蕭然晝閉門。它日路迷君勿恨。人閒隨處有桃源。

六月芙蓉正盛時。畫船長記醉題詩。世閒好景元無盡。霜落荷枯又一奇。

雜題

松肪釀酒石根醉。榭葉作衣雲外行。指點人間一長歎。秋風又到洛陽城。

山家貧甚亦支撐。時撫桐孫一再行。朝甑米空烹芋粥。夜缸油

盡點松明。

羊裘老人只念歸。安用星辰動紫微。洛陽城中市兒眼。情知不

識釣魚磯。

黍醅新壓野雞肥。茆店酣歌送落暉。人道山僧最無事。憐渠猶

趁莫鐘歸。

釣魚吹笛本閒身。正坐微官白髮新。著屐此生猶幾緡。可令復

踏九衢塵。

山光染黛朝如溼川氣鎔銀莫不收詩料滿前誰領略時時來
倚水邊樓

歎俗

風俗陵夷日可憐乞墦鉗市亦欣然看渠皮底元無血那識虞
卿魯仲連

觀梅至花涇高端叔解元見尋

春晴閒過野僧家邂逅詩人共晚茶歸見諸公問老子爲言滿
帽插梅花

春暝山中雲作堆放翁艇子出尋梅不須問訊道傍叟但覓梅
花多處來

小市

小市狂歌醉墮冠。南山山色跨牛看。放翁胷次誰能測。萬里秋空未是寬。

秋夜將曉出籬門迎涼有感

迢迢天漢西南落。喔喔鄰雞一再鳴。壯志病來消欲盡。出門搔首愴平生。三萬里河東入海。五千仞嶽上摩天。遺民淚盡胡塵裏。南望王師又一年。

秋日郊居

山雨霏微鴨頭水。溪雲細薄魚鱗天。幽尋自笑本無事。羽扇箴

枝上釣船

行歌曳杖到新塘銀闕瑤臺無此涼萬里秋風菰菜老一川明
月稻花香

秋日畱連野老家朱槃鮮鬻粲如花已炊藟散真珠米更點丁

坑白雪茶

元注藟散米名丁坑茶名

車蕩比鄰例饋魚流涎對此四腮鱸北窗雨過涼如水消得先
生一醉無

今年斟酌是豐年社近兒童喜欲顛半醉半醒村老子家家門
口掠神錢

魚鱖滿缶酒新筍處處吳歌起壠頭上客已隨新雁到晚禾猶

待薄霜收。

兒童冬學鬧比鄰。據案愚儒卻自珍。授罷村書閉門睡。終年不著面看人。

兩翁兒女舊論姻。酒擔羊腔喜色新。不遣交情隔生死。固應世

好等朱陳。元注小兒子聿聘亡友張叔潛季女蓋尋舊約也

示兒

文能換骨餘無法。學到窮源自不疑。齒豁頭童方悟此。乃翁見事可憐遲。

舍北望水鄉風物戲作絕句

西風沙際矯輕鷗。落日橋邊繫釣舟。乞與畫工團扇本。青林紅

樹一川秋

晝眠

困睫膏騰老孝先。麤氈布被早霜天。珥貂碧落應無分。且向人間作睡仙。

夜讀范致能攬轡錄言中原父老見使者多揮涕感其事

作絕句

公卿有黨排宗澤。唯嘸無人用岳飛。遺老不應知此恨。亦逢漢節解沾衣。

村東

村西行藥到村東沙路溪流曲折通。莫問梅花開早晚。杖藜到

處卽春風

雨晴

山川炳煥似開國風雨退收如解嚴老子真成無一事抱孫負

日坐茆檐

病起

少年射虎南山下惡馬強弓看似無老病卽今那可說出門十

步要人扶

松下縱筆

自掃松陰寄醉眠龍吟虎嘯滿霜天卻思初到人間世似是唐

堯丙子年

老不能閒莫笑予五千言豈世閒書青松折取當麈尾爲子試談天地初

種玉餐芝術不傳金丹下手更茫然陶公妙訣吾曾受但聽松風自得仙

聳龍天矯欲飛去百尺蒼藤羅絡之應笑此翁才不進故將老氣起吾詩

山園遣興

輸逋告糴走比鄰恤患分菑粟故人安得此身無一事林中數筍過殘春

雨夕焚香

芭蕉葉上雨。催涼蟋蟀聲。中夜漸長緡。十二經真太漫。與君共此一爐香。

排悶

丈夫結髮志功名。大事真當以死爭。我昔駐車籌筆驛。孔明千載尚如生。

曾攜一劍遠從戎。秦趙關河顧盼中。老去功名無復夢。凌煙分付黑頭公。

四十從軍渭水邊。功名無命氣猶全。白頭爛醉東吳市。自拔長刀割彘肩。

西塞山前吹笛聲。曲終已過雒陽城。君能洗盡世閒念。何處樓

臺無月明

萬里風中寄斷蓬。古來虛死幾英雄。拔山力與回天勢。不滿先生一笑中。

風霜九月冷飈颺。湖海飄然一布裘。親見宓義初畫卦。轉頭三十萬春秋。

繫舟

繫舟江浦待潮平。歎息無人共月明。歷盡世間多少事。飄然依舊老書生。

地曠月明鋪素練。霜寒河淺拂輕綃。手扶萬里天壇杖。夜過前村禹會橋。

連日風雨寒甚夜忽大風明日遂晴

符景德中
萬里浮雲一掃空碧天無際日曛曛歡聲四起春風裏恰似祥

晚興

一聲天邊斷雁哀數葉籬外蚤梅開幽人耐冷倚門久送月墮
湖歸去來

記夢

黃河衮衮抱潼關蒼翠中條接華山城郭邱墟人盡老藥爐依
舊白雲閒

西巖老宿雪垂肩白石爲糧四百年喜我未忘山下路慙慙握

手一欣然

三鬻山童喜欲顛下山迎我拜溪邊松陰拂罷蒼苔石接竹窠
雲埋舊泉

讀史

南言尊菜似羊酪北說荔枝如石榴自古論人多類此簡編千
載判悠悠

夜讀呂化光文章拋盡愛功名之句戲作

玉關西望氣橫秋肯信功名不自由卻是文章差得力至今知
有呂衡州

泛舟觀桃花五首錄

八家詩金卷二十八
花溼二月桃花發霞照波心錦裏山說與東風直須惜莫吹一
片落人間

桃源只在鏡湖中影落清波十里紅自別西川海棠後初將爛
醉食春風

小僧乞詩

風前掩苒草吹香溪上霏微雨送涼萬里安西無夢到卻尋僧
話破年光

看鏡

凋盡朱顏白盡頭神仙富貴兩悠悠胡塵遮斷陽關路空聽琵琶
奏石州

七十衰翁臥故山鏡中無復舊朱顏一聯輕甲流塵積不爲君
王戍玉關

三峽歌

乾道庚寅予始入蜀上下三峽屢矣後二十五年歸
山陰偶讀梁簡文巴東三峽歌感之擬作九首實紹熙

甲寅十月二日也

時年七十歲

神女廟前秋月明黃牛峽裏莫猿聲危途性命不容恤百丈牽
船侵夜行

不怕灘如竹節稠新灘已過可無憂古妝戔戔一尺髻木盞銀
杯邀客舟

十二巫山見九峯。船頭彩翠滿秋空。朝雲暮雨渾虛語。一夜猿啼明月中。

錦繡樓前看賣花。麝香山下摘新茶。長安卿相多憂畏。老向夔州不用嗟。

險詐沾沾不媿天。交情回首薄如煙。東遊萬里雖堪樂。濫預瞿唐要放船。

蠻江水碧瘴花紅。白舫黃旗無便風。涪萬四時常避水。棚居高出亂雲中。

亂插山花簪子紅。蠻歌相和灩西東。忽然四散不知處。踏月捫蘿歸峒中。

萬州溪西花柳多。四鄰相應竹枝歌。問君今夕不痛飲，柰此滿川明月何。
我遊南賓春莫時。蜀船曾繫挂猿枝。雲迷江岸屈原墳。花落空山夏禹祠。

望永忠陵

綠衣迎拜屬車塵。草木曾霑雨露春。三十五年身未死，卻爲天下最窮人。

肝食憂民宴樂疏。太倉幾有九年儲。賈生未解人間事，北闕猶

陳痛哭書。

元祐在紹興庚辰辛巳間游屢貢書言略蒙施用

霜夜

三首錄

梅花欲動夢魂狂。橙子閒搓指爪香。莫怪草堂清到骨。一梳殘

月伴新霜。

黃甘磊落園三寸。赤蠶輪囷可一斤。更喚東陽麴道士。與君霜

夜策奇勳。

元注時東陽餉酒

贈道

友凡遊仙及學道詩都無事實縹緲恍惚語在可解

又似先生自述之詞

凡骨已蛻身自輕。勃落葉上行無聲。華陰市樓醉舞罷。卻上蓬

峯看月明。

憶在長安爛漫遊。大明宮闕與雲浮。今朝偶上慈恩塔。北望芒

芒禾黍秋。

當時辛苦學長生。準擬中原看太平。今日醉遊心已足。一瓢歸去隱青城。

三杯兀兀復騰騰。服氣燒丹總不能。借問生涯在何許。孤舟風雨伴漁燈。

零落殘碑草棘中。北邙蕭瑟又秋風。舊時憶在鷓鴣行裏。幾見宣麻拜相公。

示子聿

儒林早歲竊虛名。白首何曾負短檠。堪歎一衰今至此。夢回聞汝讀書聲。

紙閣午睡

紙閣輒爐火。一枝斷香欲出。礙蒲簾。放翁不管人閒事。睡味無窮。似蜜甜黃紬被煖。青氈穩紙閣。油窗晚更妍。一飽無營睡終日。自疑身在結繩前。

春晚懷山南

梨花堆雪。柳吹絲。常記梁州古驛前。二十四年成昨夢。每逢春晚。卽悽然。壯歲從戎。不憶家。梁州裘馬鬪豪華。至今夜夜尋春夢。猶在吳園藉落花。

梁州一別幾清明。常憶西郊信馬行。桃李成塵總閒事。梨花楊

柳最關情。

身寄江湖兩鬢霜。金鞭朱彈夢猶狂。遙知南鄭城西路。月與梨花共斷腸。

初夏

紛紛紅紫已成塵。布穀聲中夏令新。夾路桑麻行不盡。始知身是太平人。

剪韭醃齏粟作漿。新炊麥飯滿村香。先生醉後騎黃犢。北陌東阡看戲場。

稻未分秧麥已秋。豚蹄不用祝甌窶。老翁七十猶彊健。沒膝春泥夜叱牛。

買得新船疾似飛。蠶飢遙望采桑歸。越羅蜀錦吾何用。且備幽人卒歲衣。

槐柳成陰雨洗塵。櫻桃乳酪併嘗新。古來江左多佳句。夏淺勝春最可人。

隋家古寺郡西南。寺廢殘僧只二三。藜藿滿庭塵閣佛。時聞鑿鼓賽春蠶。

渺渺荒陂古埭東。柳姑小廟柳陰中。放翁老億扶藜杖。也逐鄉人禱歲豐。

老翁賣卜古城隅。兼寫宜蠶保麥符。日日得錢惟買酒。不愁醉倒有兒扶。

舍北晚眺

紅樹青林帶暮煙。竝橋常有賣魚船。
樊川詩句營邱畫，盡在先生拄杖邊。

日日津頭繫小舟。老人自嬾出門遊。
一枝筇杖疏籬外，占斷千巖萬壑秋。

小舟遊近村捨舟步歸

數家茅屋自成村。地碓聲中晝掩門。
寒日欲沈蒼霧合，人間隨處有桃源。

借得漁船泝小谿。繫船浦口卻扶藜。
莫言村落蕭條甚，也勝京塵沒馬蹄。

不識如何喚作愁。東阡南陌且閒遊。兒童共道先生醉，折得黃
花插滿頭。

斜陽古柳趙家庄。負鼓盲翁正作場。死後是非誰管得，滿村聽
說蔡中郎。

讀易

羸軀抱疾時時劇。白髮乘衰日日增。淨掃東窗讀周易，笑人投
老欲依僧。

老喜杜門常謝客。病惟讀易不迎醫。冬來更愧乖慵甚，醉過收
蕎下麥時。

一壺歌

悠悠日月沒根株。常在人間醉一壺。傾倒欲空還潑灑。不曾教
化不曾沽。

先生醉後卽高歌。千古英雄柰我何。花底一壺天所破。不曾飲
盡不曾多。

自從軒昊到隋唐。幾見中原作戰場。三十萬年如電掣。不曾記
得不曾忘。

恥從嶽牧立堯庭。況見商周戰血腥。攜得一壺閒處飲。不曾苦
醉不曾醒。

長安市上醉春風。亂插繁花滿帽紅。看盡人間興廢事。不曾富
貴不曾窮。

懷舊

鶴鳴山下竹連雲。鳳集城邊柳映門。當日不知爲客樂。如今回首卻消魂。

駿驟西過雨。漫天千里江山在眼邊。二十四年如昨夢。憑誰問

訊帶柳僊。

狼煙不舉羽書稀。幙府相從日打圍。最憶定軍山下路。亂飄紅

葉滿戎衣。

翠崖紅棧鬱參差。小益初程景最奇。誰向橐端收拾得。李將軍

畫少陵詩。

回龍寺壁看維摩。最得曹吳筆意多。風雨塵埃昏欲盡。何人更

白髮蕭蕭病滿身。凍雲野渡正愁人。揚鞭大散關頭日。曾看中原萬里春。

莫年身似一虛舟。付與滄波自在流。垂地雪雲吹不散。且傾桑落膾槎頭。

雜感 慶元四年戊午七十四歲

志士山棲恨不深。人知已是負初心。不須先說嚴光輩。直自巢由錯到今。

勸君莫識一丁字。此事從來誤幾人。輸與茅檐負暄叟。時時睡覺一頻伸。

世事紛紛無已時。勸君杯到不須辭。但能爛醉三千日。楚漢興

亡總不知

百年鼎鼎成何事。寒暑相催。卽白頭。縱得金丹真不死。摩挲銅狄。更添愁。

世閒魚鳥各飛沈。茅屋靑山無古今。畢竟替他愁不得。幾人虛費。一生心。

一杯濁酒卽醺然。自笑閒愁七十年。今日出門天地別。此身如在。結繩前。

山人那信宦途艱。強著朝衣趁曉班。豪氣不除狂態作。始知只合死空山。

老子傾囊得萬錢。石帆山下買烏犍。牧童避雨歸來晚。一笛春

風草滿川

故舊書來訪死生。時聞剝啄叩柴荆。自嗟不及東家老。至死無人識姓名。

忍窮待死十年閒。老子誰知老更頑。溪友畱魚供晚酌。鄰僧送米續朝餐。

戲作治生絕句

治生何用學陶朱。少許能慳便有餘。惜酒已停晨服藥。省油仍廢夜觀書。

龜堂雜題

龜堂端是無能者。妄想元無一事成。最後數年尤可笑。飽餐甘

東送浮生

癡頑老子老無能。遊惰農夫酒肉僧。閉著菴門終日睡。任人來喚不曾應。

長腰玉粒出新春。秋穫真成畝一鍾。衣食蠶供官賦足。何妨世世作耕農。

冷雨蕭蕭澀不晴。亂書圍坐正縱橫。忽聞小瓮新醅熟。急喚兒童洗破觥。

太息

早歲元于利欲輕。但餘一念在功名。白頭不試平戎策。虛向江湖過此生。

卷之三十一 雜詩 三十一

書生忠義與誰論。骨朽猶應此念存。砥柱河流僊掌日。死前恨不見中原。

自古才高每恨浮。偉人要是出中州。卽今未必無房魏。埋沒湖

沙死卽休。

關輔堂堂墮。虜塵渭城杜曲。又逢春。安知今日新豐市。不有悠然獨酌人。

梅花六首錄一五六

五十年間萬事非。放翁依舊掩柴扉。相從不厭閒風月。只有梅

花與釣磯。

秭歸江頭煙雨昏。客舟夜繫梅花村。相逢萬里各驕旅。不待猿

帝已斷魂

青羊宮前錦江路。曾為梅花醉十年。豈知今日尋香處。卻是山

陰雪夜船。

沈園

城上斜陽畫角哀。沈園非復舊池臺。傷心橋下春波綠。曾是驚

鴻照影來。

夢斷香消四十年。沈園柳老不吹綿。此身行作稽山土。猶弔遺

蹤一泫然。

致仕後即事

共十五首錄一
四
五
七
九
十五

休官拜命不勝榮。墨溼黃新照眼明。絡繹交親來作賀。羊腔酒

未
詩
卷
七
絕
下
三

擔擁柴荆

白髮三朝執戟郎。賜骸偶值歲豐穰。村東已種千畦麥。舍北新

添百本桑。

老民一日脫朝衣。回首平生萬事非。赤腳婢沽村釀去。平頭奴

馭草驢歸。

沈縣分已餞餘生造物苛。畱未遺行今日下。牀還健在一編來。

就小窗明。

一盂麥飯掩柴關。坐久不堪腰腳頑。拖得瘦藤閒信步。小橋東

北望螺山。

多事車前要八騶。老人惟與一藤遊。未教變化爲龍去。更踏人

閒萬里秋

冬晴與子坦子聿遊湖上

湖邊細靄弄霏微。柳下人家晝掩扉。乘暖冬耕無遠近。小舟日
晚載犁歸。

村南村北紡車鳴。打豆家家趁快晴。過盡水邊牛跡路。嶺頭猿
鳥伴閒行。

道邊白水如牛湏。知是山泉一脈來。會挈風爐竝石鼎。桃枝竹
裏試茶杯。

海山山下百餘家。垣屋參差一帶斜。我欲往尋疑路斷。試沿流
水覓桃花。

老僧八十無童子。禮佛看經總不能。雙手了。又出迎客自稱六十六年僧。

一榼無時可醉吟。一藤隨處得幽尋。先須挽取銀河水。淨洗人間塵霧心。

龜堂雜興共十首

朝來地碓玉新春。雞蹠豚肩異味重。便腹摩挲更無事。老人又過一年冬。

曳杖東岡信步行。夕陽偏向竹間明。丹楓吹盡鴉聲樂。又得霜天一日晴。

閩溪紙被軟於絺。黎峒花紬暖勝氈。一夜山中三尺雪。未妨老

子曰高眠

三分帶苦。檜花蜜一點。無塵柏子香。鼻觀舌根俱得道。悠悠誰識老龜堂。

方石斛栽香百合。小盆山養水黃楊。老翁不是童兒態。無柰菴中白日長。

少年身寄市朝中。俗論紛紛聒耳聾。清絕甯知有今日。高眠終夜聽松風。

蒲團安坐地爐溫。無位真人出面門。世上不知何歲月。斷鐘殘角送黃昏。

散樸澆淳萬事新。腐儒空有涕沾巾。唐虞不是終難致。自欠皋

散樸澆淳

萬事新

腐儒空

有涕沾巾

唐虞不

夔一輩人

庚申元日口號

慶元六年
七十六歲

數行晴日照青鴛春入屠蘇激濫樽兒報山僧畱刺去未爲無
客到吾門

黃純五丈裁衫穩黑黍三升作飯香造物要教無媿怍一身溫
飽出耕桑

南陌東阡自在身耄年喜見歲華新洛中九老非吾侶且作山
陰十老人

晚塗初入長生運新歲仍當大有年賸與鄉鄰同覓醉市樓酒
賤不論錢

仁。和。館。外。列。鴟。行。憶。送。龍。舟。幸。建。康。舍。北。老。人。同。甲。子。相。逢。揮。淚。說。高。皇。

枕上口占三首錄其末

五十年閒萬事空。嬾將白髮對青銅。故人只有桃花在。惆悵無情一夜風。

喜晴

江湖春莫多風雨。點滴空階寶厭聽。賸喜今朝有奇事。一窗晴日寫黃庭。

枕上

殘燈爛爛露螢明。落葉蕭蕭寒雨聲。堪笑衰翁睡眠少。小詩常

向此時成
斷香猶在夢初回
燈似孤螢闔復開
怪底詩情清徹骨
數聲新雁枕邊來

對酒戲詠

淺傾西國葡萄酒
小嚼南州豆蔻花
更拂烏絲寫新句
此翁可惜老天涯

食晚

日高得米喚兒春
苦雨園蔬久闕供
省事家風君看取
半飢半飽過殘冬

小舟白竹篷蓋保長所乘也
偶借至近村戲作

茅檐細雨溼。吹煙江路清。寒欲雪。天不愛相公。金絡馬。羨他亭。長白篷船。

雪雲無際暗。長空小市孤。村禹廟東。一段荒寒。端可畫白篷籠底。白頭翁。

稻飯

買得烏犍遇歲穰。此身永免屬官倉。塘南塘北九千頃。八月村

村稻飯香。

元注鏡湖下至海。凡種稻九千頃。

追感往事

太平翁翁十九年。父子氣焰可熏天。不如茅舍醉村酒。日與鄰

翁相枕眠。

世事紛紛過眼新
九衢依舊漲紅塵
桃花夢破劉郎老
燕麥搖風別是春

渡江之初不暇給
諸老文辭今尙傳
六十年間日衰靡
此事安可付之天

文章光焰伏不起
甚者自謂宗晚唐
歐曾不生二蘇死
我欲痛哭天茫茫

諸公可歎善謀身
誤國當時豈一秦
不望夷吾出江左
新亭對泣亦無人

雨晴風日絕佳
徒倚門外
一雙芒屨伴筇枝
不用兒扶自出嬉
貪看南山雲白變
舍西溪

上立多時

茶醞無端廢午眠杖藜信步到門前青裙溪女結蠶卦白髮廟
巫催社錢

章老三年病方死吳翁一夕呼不醒獨有此身頑似鐵倚門常

看莫山青

元注章吳皆鄰人以去冬死

海上作

厭逐紛紛兒女曹挂帆江海寄豪鯨吞鼉作渾閒事要看秋
濤天際高

夏日雜題

八首錄

憔悴衡門一秃翁回頭無事不成空可憐萬里平戎志盡付蕭

蕭莫雨中

衰疾沈縣短鬢疏淒涼圯上一編書中原久陷身垂老付與壘
中飽盡魚

出門與鄰人笑談久之戲作

四首錄其二

莫靄昏昏半掩扉偶逢鄰叟荷鉏歸且令閒說鄉村事莫問渠
言是與非

夜歸

嘉泰元年辛酉七十七歲

今年寒到江鄉早未及中秋見雁飛八十老翁頭似鐵三更風
雨采菱歸

芙蓉菱陂夜半時小舟更著疾風吹青燐一炬楓林外鬼火漁

燈雨不知

錢道人。不飲酒。食肉。囊中不畜一錢。所須飯及草屨。一物皆臨時乞錢買之。非此雖強與不取也。

萬里飄如不繫船。空囊短褐過年年。食時無飯芒鞋破。只向街頭旋乞錢。

誤辱君王賜鏡湖。身隨鷗鷺寄菰蒲。行年八十猶強健。欲伴先生去得無。

秋日雜詠

八首錄一二三

都門初出若登仙。弄水寫雲喜欲顛。只恐光陰已無幾。不知及過十三年。

五百年前賀季真。再來依舊作間人。一生看盡佳風月。不負湖山不負身。
菰蒲風起。莫蕭蕭。煙斂林疏。見斷橋白蟹。鱖魚初上市。輕舟無數。去乘潮。

倚樓

元注初三日

莫雲細細鱗。干疊新月織織玉。一鉤歎息。化工真妙手。衝寒來倚水邊樓。

除夕

六聖涵濡作幸民。明朝七十八年身。門前西走都城道。臥看無窮來往人。

梅花絕句

嘉泰二年壬戌七月十八歲

幾年不到合江園說著當時已斷魂
只有梅花知此恨相逢月底卻無言

當年走馬錦城西曾爲梅花醉似泥
二十里中香不斷青羊宮到浣花溪

聞道梅花圻曉風雪堆徧滿四山中
何方可化身千億一樹梅前一放翁

小亭終日倚闌干樹樹梅花看到殘
只怪此翁常謝客元來不是怕春寒

亂簷桐帽花如雪斜挂驢鞍酒滿壺
安得丹青如顧陸憑渠畫

我夜歸圖

紅梅過後到緗梅
一種春風不竝開
造物無心還有意
引教日日放翁來

別嚴和之

器之魂逝已難招
尚有和之慰寂寥
今夜月明空歎息
想君孤棹泊溪橋

千里風煙行路難
旅舟應過子陵灘
人間富貴知何物
莫負君家舊釣竿

夏初湖村雜題

八首錄一四七

市遠村深客到稀
草堂終日掩柴扉
釀成新蜜蜂兒靜
分盡殘

泥燕子歸

日落溪南生暮煙。幅巾蕭散立橋邊。聽殘鸞廟鑿鑿鼓。數盡歸村隻隻船。

幽禽兩兩已成巢。新竹森森漸放梢。稻壟作陂先蓄水。野堂防漏卻添茅。

夜吟先生以嘉泰二年五月入都直史局修兩朝實錄三朝史此下皆在都時之詩

似睡不睡客欹枕。欲落未落月挂檐。詩到此時當得句。羈愁病思恰相兼。

六十餘年妄學詩。工夫深處獨心知。夜來一笑寒燈下。始是金丹換骨時。

八家詩心 卷之七 七 七

感舊贈超師

一聲清蹕出行宮。百尺黃旗繡戲龍。我赴文場君受戒。道邊曾共望高宗。

謝韓實之直閣送燈

玉作華星綴絳繩。樓臺交映莫天澄。東都父老今誰在。腸斷當時諫浙燈。

舊友年來不作疏。華燈乃肯寄蝸廬。甯知此老蕭條甚。二尺檠前正讀書。

紹興癸亥余以進士來臨安。年十九。明年上元。從舅光州通守唐公仲俊招觀燈。後六十年。嘉泰壬戌。被命起造。

朝明年癸亥復見燈夕遊人之盛感歎有作
隨計當時入帝城笙歌燈火夜連明甯知六十餘年後老眼重
來看太平

夢遊

太華峯頭秋氣新醉臨絕壁岸綸巾世閒萬事惟堪笑禹跡茫
茫九片塵

九秋風露洗頭盆萬里雲煙腰帶鞋小盃松醪知己熟與君爛
醉不須醒

客途幽夢苦淒淒滿眼山川意卻迷條華朝驅雲外騎河潼夜
聽月中雞

聞蛩

蟬聲未斷已蛩鳴。徂歲崢嶸得我驚。八十光陰猶幾許。勉思忠敬盡餘生。

稽首周公萬世師。小儒命薄不同時。秋蟲卻是生無憾。名在關人七月詩。

湖上秋夜

湖上山銜落月明。釣筒收罷葉舟橫。不知身世在何許。一夜蕭蕭蘆荻聲。

秋思
三首
錄一

烏柏微丹菊漸開。天高風送鴈聲哀。詩情也似并刀快。鷓鴣得秋

光入卷來

雜興三十首錄
三七八

靈府甯容一物侵。此身只合老山林。何由挽得銀河水。淨洗羣生忿忿心。

扁舟夜載石帆月。雙屨曉穿天柱雲。八十老翁能辦此。不須身

將渡遼軍。元注謂李勣

犀象木安山海遠。梗楠豈願棟梁材。伏波病困壺頭日。應有嚴

光入夢來

書事

聞道輿圖次第還。黃河依舊抱潼關。會當小駐平戎帳。饒益南

入家詩餘
卷之二十八
七絕
陸游下
表

亭看華山

元注饒益寺南亭
盡得太華之勝

關中父老望主師想見壺漿滿路時寂寞西溪衰草裏斷碑猶有少陵詩

鳴綠桑乾盡漢天傳烽自合過祁連功名在子何殊我惟恨無人快著鞭

九天清蹕響春雷百萬貔貅扈駕回不獨雨師先灑道汗流袞袞入淮來

雨後

雨後涼生病體輕閒拖拄杖出門行槐花落盡桐陰薄時有殘蟬一兩聲

甲子秋八月偶思出遊往往累日不能歸或遠至傍縣凡

得絕句十有二首雜錄入彙中亦不復詮次也

錄一三五五六七

八九十二

鬻雪猶能活窖中。僧牛亦可隱牆東。來歸里社當知幸。萬卷書邊一老翁。

早攜書劍三隨計。晚辱弓旌四造朝。心媿石帆山下叟。一生不識浙江潮。

書囊藥笈每隨身。聞病求占日日新。向道不能渠。豈信隨宜酬答免。違人

藥麤野老偏稱効。詩淺山僧妄謂工。懷甃裏茶來問訊不妨一

笑寂寥中

家居愈老厭拘纏。旅舍僧房意自便。乞菜作羹殊有味。借牀小

憩即成眠。

鄉閭故老意常勤。一味甘鮮必見分。大截在前無箸食。始知富

貴本浮雲。

市樓嘈囂知豐歲。驛樹輪囷傲早霜。六十年間凡幾到。臙沾新

酒對斜陽。

秋風敗葉委蒼苔。小蹇閒遊始此回。溪上風煙爭晚渡。縣前燈

火賣新醅。

感昔

行年三十憶南遊

穩駕滄溟萬斛舟。常記早秋雷雨霽。花師指

點說流求。

馬瘦行遲自一奇。

溪山佳處看無遺。酒壚強挽人同醉。散去何

曾識是誰。

負琴腰劍成三友。

出蜀歸吳歷百城。最是客途愁絕處。巫山廟

下聽猿聲。

岳陽三伏正炎蒸。

爽氣淒風見未曾。白浪蹴天樓欲動。當時恨

不到黃陵。

行徧天涯只漫勞。

歸來登覽興方豪。雲生神禹千年穴。雪捲靈

霄八月濤。

莫秋

多雨今秋水渺然
溝溪無處不通船
山回忽得煙村路
始信桃源是地仙

閒傾清聖濁賢酒
穩泛朝南莫北風
射的山前雲幾片
一秋不散伴漁翁

百年大蓋龍鍾日
九月初寒慘澹天
嶺谷高低明野火
村墟遠近起炊煙

舍前舍後養魚塘
溪北溪南打稻場
喜事一雙黃蛺蝶
隨人來往弄秋光

九月山村已驟寒
看雲殊怯倚闌干
一杯濁酒栽培睡
不覺春

雷起鼻端

清秋又是
鷺卻心親

晚歸

梅市橋邊弄夕霏
菱歌聲裏棹船歸
白鷗去盡還堪恨
不爲幽人暖釣磯

太息

太息貧家似破船
不容一夕得安眠
春蠶水潦秋防旱
左右枝梧且過年

禱廟祈神望歲穰
今年中熟更堪傷
百錢斗米無人要
貫朽何

時發積藏

北陌東阡有故墟。辛勤見汝昔營居。象吞暗蝕皆逃去。闕戶無人草滿廬。

柳橋

村路初晴雪作泥。經旬不到小橋西。出門頓覺春來早。柳染輕黃已蘸溪。

鷗

海上輕鷗何處尋。煙波萬里信浮沈。今朝忽向船頭見。消盡平生得喪心。

鷗

雪霽春回亦樂哉。棋軒正對小灘開。翩翩飛鷺真吾友，肯爲幽人一再來。

夢中作

開禧乙丑
八十一歲

華山數水本閒人，一念無端墮世塵。八十餘年多少事，藥爐丹竈尙如新。

自詠絕句

雙鬢蕭條失故青，躬耕猶得養餘齡。明時恩大無由報，欲爲鄉鄰講孝經。

深村人有結繩風，晚歲身爲帶索翁。喫粥茹蔬茅屋底，誰知也過百年中。

不淪鬼錄不登仙遊戲杯觴近百年小市跨驢寒日裏任教人
作畫圖傳

遊旅門前撥不開先生醉策蹇驢來未言乞得囊中藥一見童
顏且壓災

遠遊索手不賣糧薪米臨時取道傍今日晴明行亦好經旬風
雨住何妨

一條紙被平生足半盃藜藿百味全放下元來總無事雞鳴犬
吠送殘年

平生甯獨愛吾廬何處茅檐不可居晝闕僮奴停接客夜無
火罷觀書

睡著何曾厭夜長。老人少睡坐何傷。無燈無火春寒惡。破絮麤氈卽道場。

新製小冠

淺醉微吟獨倚闌。輕雲淡月不多寒。悠然顧影成清歎。新製柟櫚二寸冠。

柟櫚冠子輕宜髮。練布單衣爽辟塵。縱不能詩亦堪畫。年餘八十水雲身。

秋懷

少年萬里度關河。老遇秋風感慨多。草聖詩情元未減。若無明鏡奈君何。

園丁傍架摘黃瓜。村女沿籬采碧花。城市尙餘三伏熱。秋光先到野人家。

迢迢枕上望明河。帳薄簾疏柰冷何。不惜衣篝重換火。卻緣微潤得香多。

詩如水淡功差進。身似雲孤累轉輕。落葉擁籬門巷晚。一枝藤杖且閒行。

秋思絕句 六首錄前五

煙草茫茫楚澤秋。牧童吹笛喚歸牛。九衢不是風塵少。一點能來此地不。

榮悴元知豈有常。紛紛草木占年光。霜風一掃知何在。楚客從

來枉斷腸

一片雲生便作陰東軒草樹共蕭森秋風豈必關人事自是衰翁感慨深

根棘編籬書掩門桑麻遮路不知村平生詩句傳天下白首還家自灌園

胸次本來容具區自私益益一何愚片帆忽逐秋風起聊試人間萬里途

老學菴北窗雜書七首錄三六

茅齋遙夜養心君靜處工夫自策勳正喜殘香伴幽獨鴉鳴窗白又紛紛

松柳接屋得陰多石徑生苔柰滑何盡道疏籬宜細雨晴時最好晒漁蓑

秋興

晨興秋色已淒淒呷啜猶聞隔浦雞說與鷹門謝來客要乘微雨理蔬畦

村酒甜酸市酒渾猶勝終日對空樽茅齋不柰秋蕭瑟躡雨來敲野店門

困儲赤米枝梧飯篋有青氈準擬寒政使堆金無處用不須常貼一錢看

病起殘骸不自支旋烹藜粥解飢羸一編蠹簡青燈下恰似吳

僧夜講時

淹速從來。但信緣襟。懷無日不超然。晚船渡口。因崩立待飯。僧
牀得躡眠。

放翁老矣。欲何之。采藥名山。更不疑。但入剡中。行百里。姓名顏
狀。有誰知。

樵客高僧。兩斷蓬。偶同。煙榜。泛秋風。栖賢雪夜。愔愔別。豈意相
逢。在剡中。

道室卽事

看盡吳山。看蜀山。歸來不減蒼。朱顏宣利。遺老凋零。盡況說祥
符景德閒。

松根茯苓味絕珍。甌中枸杞香動人。勸君下筯不領略。終作却
山一舊塵。

徧遊海嶽卻歸秦。除卻南山萬事新。長劍高車何足道。金人十
二也成塵。

黃金堆屋無處用。甲第連雲誰與居。莫笑先生無僕馬。風雷萬
里跨鯨魚。

憶昨開禧三年丁卯人十三歲

入蜀還吳迹已陳。蘭亭道上又逢春。諸君試取吾詩看。何異前
身與後身。

當年落魄錦江邊。物外常多宿世緣。先主廟中逢市隱。丈人觀

裏識巢仙

元注蓬道人賣藥成都市中巢仙謂上官先生

萬里曾爲汗漫遊。豈知白首弄漁舟。會騎一鶴凌風去。何處人間無酒樓。

出遊歸臥得雜詩

江天缺月西南落。村路寒雞一再鳴。自笑此身羈旅慣。野橋孤店每關情。

江村何處小茅茨。紅杏青蒲雨過時。半幅生綃大年畫。一聯新句少游詩。

眼明未了觀山債。力在猶能涉水行。莫笑軒然誇老健身存。終勝得浮名。

壯歲經春在醉鄉。老來數酌不禁當。正須獨倚蒲團坐。領略明窗半篆香。

兒扶行飯出柴扉。僂僂方嗟氣力微。道側偶逢耘麥叟。倚鋤閒話兩忘歸。

久讀仙經學養形。未容便應少微星。一枝新鍛金雅觜。更向名山斲茯苓。

薺花如雪滿中庭。乍出芭蕉一寸青。老子掩關常謝客。短蓑鋤菜伴園丁。

晚交數子多才傑。誰肯頻來寂莫鄉。但寄好詩三四幅。絕勝共笑億千場。

煙波卽事

短髮垂肩不裹巾。世人誰識此翁真。
阻風江浦詩成束，賣藥山城醉過春。

煙波深處臥孤篷。宿酒醒時聞斷鴻。
最是平生會心事，蘆花千頃月明中。

家浮野艇無常處。身是閒人不屬官。
但有濁醪吾事足，浮名不作一錢看。

落鴈沙邊艇子斜。分明清夢上三巴。
眼明一點炊煙起，不是漁家卽酒家。

雕胡炊飯芰荷衣。水退浮萍向半扉。
莫爲風波羨平地，人間處處

處是危機

夢筆橋邊聽午鐘。無窮煙水似吳松。前年送客曾來此。惟有山僧認得儂。

浪迹人間數十年。年年散髮醉江天。岳陽樓上畱三日。聊與瀟湘結後緣。

煙水蒼茫絕四鄰。幽棲無地著纖塵。蕭條雞犬楓林下。似是無懷太古民。

歸老何須乞鏡湖。秋來日日飽尊鱸。正令霖雨稱賢佐。未及煙波號釣徒。

父子團圓到死時。漁家可樂更何疑。高文大策人皆有。且聽煙

波十絕詩

見鵲補巢戲作

臥看銜枝鵲補巢方知此老嬾堪嘲山村四十餘年住未省曾添一把茅

春晚卽事

桑麻夾道蔽行人桃李隨風旋作塵煜煜紅燈迎婦擔纂纂畫鼓祭蠶神

小時抵死願春畱老大逢春去卽休今歲禹祠纔一到安能分日作遨遊

漁村樵市過殘春八十二年老病身殘廢遊魂苗渴雨杜門憂

十人家詩鈔卷二十八

國復夏民

龍骨車鳴水入塘。雨來猶可望豐穰。老農愛犢行泥緩。幼婦憂蠶采葉忙。

雜詠十首錄其二

鏡中顏狀年年改。海內交朋日日疏。一慟寢門生意盡。從今無

復季長書元注近聞張季長物故

夏日雜題六首錄前五

東吳五月黃梅雨。南浦孤舟白髮翁。貂插朝冠金絡馬。多年不入夢魂中。

午夢初回理舊琴。竹爐重炷海南沈。茅檐三日蕭蕭雨。又展芭

蕉數尺陰

新縫細葛作蟲裯。簾展風漪凜。欲秋啼鳥一聲呼。夢斷依然書卷在牀頭。

檐前桐影偏宜夏。葉底蟬聲漸報秋。莫道衰翁怯風露。也能覓醉水邊樓。

渚蒲經雨送微馨。野鶴凌風有墮翎。歸入衡門天薄莫。清溝淺浸兩三星。

秋晚雜興

汀樹猶青未著霜。壠間稗穗已先黃。放翁皓首歸民籍。爛醉狂歌坐簞牀。

昔遇高皇起眾材。姓名曾得廁鄒枚。年踰八十猶賒死。卻伴鄰翁斲芋魁。

老病侵凌不可當。時時攬鏡自悲傷。西風吹散朝來酒。依舊衰顏似葉黃。

冷落秋風把酒杯。半酣直欲挽春回。今年菘菜嘗新晚。正與鱸魚一併來。

置酒何由辦。咄嗟清言深。媿淡生涯聊。將橫浦紅絲。磴自作蒙山紫筍茶。

洗耳高人恥見堯。看渠應不受弓招。精神徇物那能久。刀礪君看日日銷。

石帆山下。醉清秋。常伴漁翁弄小舟。箬笠照溪。吾自喜。貂蟬誰管出兜鍪。

煙波萬頃。鏡湖秋。清嘯雖聞不可求。自是世間知者少。山林何

代乏巢由。元注
隱者

禹巡吾國三千歲。陳迹銷沈渺莽中。豈獨江山無定主。晉磯知

換幾漁翁。元注
禹廟

江東誰復識。重瞳遺廟。敲斜草棘中。若比岷嶓。念如意。烏江戰

死。尚英雄。元注
項羽廟

漠漠瀕村。煙雨中。參差蒼檜映丹楓。古來畫手知多少。除卻范

寬無此工。

渺渺風煙接小江。牛頭山色滿蓬窗。門前西走錢塘路。也有閒人似老龐。

二友

剩儲名酒待梅開。淨埽虛窗候月來。老子幽居得二友。人間萬事信悠哉。

歲晚

六首錄四五

小岫隣陶注。寶熏卷書閒。對一窗雲鴈聲。忽向天邊過。起立中庭看斷羣。

小塢梅開十二三。曲塘冰綻水如藍。兒童鬪采春盤料。蓼茁芹芽欲滿籃。

曉起折梅

織女斜河漏已殘長庚配月夜將闌小橋幽徑無人見折得梅花伴曉寒

新春感事八首終篇因以自解

錄一三五六八。嘉定元年戊辰八十四歲

九陌風和不起塵平湖冰解欲生鱗往來朝莫紛如蟻得見新春有幾人

一年最好早春天風日初和未脫繇坎坎圓聲賽神社翻翻小繖下湖船

錦城舊事不堪論回首繁華欲斷魂繡轂金羈三十里至今猶夢小東門

人壽長金...
玻瓈江上柳如絲。行樂家家要及時。只怪今朝空巷出使君。人

日宴蟆頤。

元注眉州

鳥藤卽是碧油幢。百萬天魔指顧降。酣枕不知霜縞瓦。下牀已見日烘窗。

記閒

白雲堆裏看青山。猿鳥爲鄰日往還。黃綺後身應我是。再來依舊一生閒。

春遊

四首錄一三四

方舟衝破湖波綠。聯騎躡殘花徑紅。七十年間人換盡。放翁依舊醉春風。

元注子年十四始到禹祠龍瑞今七十一年矣

蘭亭路上換春衣。梅市橋邊送夕暉。聞有水仙翁。是否輕舟如葉。槩如飛。

沈家園裏花如錦。半是當年識放翁也。信美人終作土。不堪幽夢大恩恩。

書憂

時人應怪我何求。白盡從來未白頭。磅礪崑崙三萬里。不知何地可薶憂。

門外獨立

朝看出市莫看歸。數盡行人尙倚扉。要見先生無盡興。少須高樹挂殘暉。

書感

翟公冷落客散去。蕭尹譴死人。所憐輸與桐君山。下叟一生散髮醉江天。

驅山不障東逝波。一樽莫惜醉顏酡。斜風細雨蒼溪路。我是後身張志和。

秋暑夜起追涼

漱罷寒泉弄月明。浩然風露欲三更。曲闌干畔踟躕久。靜聽空廊絡緯聲。

道士磯邊浪蹴天。鄖官湖上月侵船。莫年自度無因到。且與沙

鷗作後緣。

道士磯今名道士洲在漢陽

在

秋思十首未鈔
者七十

秋雲易簇日常陰。西望山村每欲尋。
屏掩數峯臨峭絕。地蟠一徑入幽深。

山步溪橋入早秋。飄然無處不堪遊。
僧廊偶爲題詩入。魚市常因施藥畱。

臨海銅燈喜夜長。斲春笛簟怨秋涼。
世閒生滅無窮境。盡付山房一炷香。

才不才閒未必全。胷中元自要超然。
黃金不博身強健。且醉江湖萬里天。

身齒漂浮欲半空。此生已付有無中。
一杯藜粥楓林下。時與鄰

翁說歲豐

疏泉洗石誇身健。試墨燒香破日長。若得三山安樂法。不須更覓玉函方。

閒愁正可資詩酒。小疾安能減食眠。一畝旋租畦菜地。千錢新買釣魚船。

眼明尚見蠅頭字。暑退初親雁足燈。歷歷曾中千載事。莫將輕比住菴僧。

感事

已醉猩猩猶愛展。入秋燕燕尙爭巢。老夫看盡人間事。欲向山僧學打包。

仲秋書事十首末鈔

秋風社散日平西。餘昨殘壺手自提。賜食敢思烹細項。家庖仍

禁擘團臍。元注昔為儀曹郎兼領膳部每蒙賜食與王公略等食品中有羊細項甚珍近以惡殺不食蟹

斷雲歸岫雨初收。茅舍蕭條古渡頭。短褐老人垂九十。松枯石

瘦不禁秋。

客來深媿里閭情。近為衰殘罷送迎。旋置風爐煎願酒。劇談猶

得慰平生。

書生習氣盡驅除。酒興詩情亦已無。底怪今朝親筆硯。村鄉來

請辟蝗符。

靈府不搖神。泰定病根已去脈。和平金丹妙處無多子。只要先

生兩眼明

省身要似晨遑髮止殺先從莫拍蚊老負明時無補報惟將忠
敬事心君

杖得輕堅餘可略酒能醅勁更何求三君最是平生舊白首相

從萬事休

心明始信元無佛氣住何會別有仙領取三山安樂法蒲團紙
帳過年年

溪上小雨

我是人間自在人江湖處處可垂綸掃空紫陌紅塵夢收得煙
蓑雨笠身

聞新雁有感

才本無多老更疏。功名已負此心初。鏡湖夜半聞新雁。自起吹燈讀漢書。

新雁南來片影孤。冷雲深處宿菰蘆。不知湘水巴陵路。曾記漁陽上谷無。

初冬雜詠

八首鈔一
四五六七

重陽已過二十日。殘菊纔存三四枝。對酒插花君勿笑。從來不解入時宜。

微風颭水靴文浪。薄日烘雲卵色天。但恨世閒閒客少。江湖底處欠漁船。

書生本欲輩華清。贈贈乃去爲詩人。囊中略有七千首。不負百年風月身。

俗緣已斷。筓谷續幽事。雖多不厭增。折簡迎醫看。病鹿春瘦炊飯供。遊僧。

夜窗父子共煎茶。一點青燈冷結花。村落盜清無吠犬。園林月上有啼鴉。

得子虞書言明春可歸

白首相依飽蕨薇。吾家父子古來稀。春秧出水柔桑綠。正是農時望汝歸。

雜賦 十二首
錄二六

病叟留中一物無。夢遊信脚到華胥。覺來忽見天窗白。短髮蕭蕭起自梳。

昔人莽莽荒邱裏。陳迹紛紛朽簡中。畢竟是非誰辨得。舉杯吾欲問虛空。

梅二首
錄一

三十三年舉眼非。錦江樂事祇成悲。溪頭忽見梅花發。恰似青羊宮裏時。

春日雜興

嘉定二年己巳八十五歲
十二首錄一七八九十

方塘益益帶泥渾。遠草青青沒燒痕。只道雨晴春晝永。歸時不覺已黃昏。

一枝筇杖一山童。買酒行歌小市中。莫笑摧頽今至此。當年萬里看春風。

四十餘年學養生。誰知所得亦平平。體孱不犯寒時出。路溼常尋乾處行。

攬睡禽聲曉。傍檐泥人花氣午。寫簾懽情老。去年年薄困。思春來日。日添。

陰晴不定春猶淺。困健相兼病未蘇。見說市樓新酒美。杖頭今日一錢無。

花下小酌

柳色初深燕子回。猩紅千點海棠開。鱖魚純菜隨宜具。也是花

前一醉來

雲開太華插遙空。我是山中采藥翁。何日胡塵掃除盡，敢溪道
上醉春風。

夏日

十二首錄一三八
九十一十一十二

暑雨初晴晝漏遲。江鄉樂事有誰知。村村蠶麥登場後，戶戶吳
蠶坼簇時。

竹根斷作眠雲枕。木瘦剝成貯酒尊。怪怪奇奇非著意，自無俗
物到山村。

謝客捐書日日閒。行身密竹臥看山。巖前恨欠煎茶地，安得茅
茨一小間。

蘋生洲渚微風起梅熟園林細雨來咫尺柴門常嬾出不教拄杖損蒼苔

側臥橫眠百不知軒窗寂寂雨絲絲豈無布韞青鞋輿過卻梅天出未遲

幽花姪姪開還斂小蝶翩翩去復留貪睡畸翁俱不領被人錯喚作閒愁

山下柴荆晝不開苔生古井暗秋槐新詩哦罷閒無事移取藤牀睡去來

卽事八首錄三四

煙雨淒迷晚不收疏簾曲几寄悠悠一雙蛺蝶來何許點盡青

青百草頭

生來骨相本酸寒。天遣沙頭把釣竿。但稱山人撼耳帽。敢希楚客切雲冠。

嘉定己巳立秋得膈上疾近寒露乃小愈

十二首錄一八九

獨立溪橋看落暉。殘蕪漠漠蝶飛飛。從來澤國秋常晚。歎息衰翁已衲衣。

小詩閒淡如秋水。病後殊勝未病時。自翦矮牋膽斷囊。不嫌墨淺字傾欹。

八月吳中風露秋。子鵝可炙酒新篘。老人病愈鄉閭喜。處處邀迎共獻酬。

梅市書事

羸馬孤愁不可勝。小詩未忍付曹騰。一聲客枕江頭雁。數點商船雨外燈。

示兒

死去元知萬事空。但悲不見九州同。王師北定中原日。家祭無忘告乃翁。